

參議院公報科編

民國七十八年十一月一日

參議院公報

(二)

文海出版社有限公司印行

中華民國七年十一月

參議院公報

第一期第三冊

徐 大 總 統 攝 影



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



參議院議長梁士詒攝影



參議院秘書長梁鴻志攝影



參議院公報第一期第三冊

目錄

徐大總統攝影

參議院議長梁士詒攝影

參議院秘書長梁鴻志攝影

大總統招待兩院議員演說辭

兩院議長代表議員答辭

議事錄

第八次會議 十月七日

(一)請政府速籌現款收買市面中交鈔票撥還兩行墊款以提高鈔票價值並使

兩行速行兌現案(議員陳振先提出)

(二)請咨政府速訂中行兌換券則例案(議員魏斯炅提出)

第九次會議 十月十九日

(一)請咨政府歐戰終局迅速派員赴歐準備參預和議以救危局案(議員章榮

熙提出)

(二)京師總商會維持紙幣請願事件(請願委員會提付院議)

第十次會議 十月二十三日

(一)請咨政府將民國以來未經國會通過之各項法令一律交議案(議員陳介提出)

(二)請咨政府速以中行新改則例提交本院追認案(議員吳宗濂提出)

第十一次會議 十一月一日

(一)請政府速籌現款收買市面中交鈔票撥還兩行墊款以提高鈔票價值並使兩行速行兌現案(議員陳振先提出審查報告)

(二)請以中華民國國會名義致電法國國會及英美各國國會祝賀歐戰勝利案(議員何焱森提出)

(三)請咨政府嗣後頒予榮典應嚴加限制以昭慎重而免冒濫建議案(議員張敬舜等提出)

速記錄

第八次會議 十月七日

第九次會議 十月十九日

第十次會議 十月二十三日

第十一次會議 十一月一日

委員會紀事

法制委員會 十月二十六日

審查請咨政府將民國以來未經國會通過之各項法令一律交議案 附審查報告

審查請咨政府速以中行新改則例提交本院追認案

審查請咨政府迅將一切含有法律性質之條例及預算等項即日交議以重約法案

財政委員會 十月二十四日至三十日

審查請政府速籌現款收買市面中交鈔票撥還兩行墊款以提高鈔票價值並使

兩行速行兌現案 附審查報告

外交委員會 十月二十四日

審查請咨歐戰終局迅速派員赴歐準備參預和議以救危局案 附審查報告
請願委員會 十月十二日

審查京師總商會維持紙幣折價方法請願書 附審查報告

特任委員會 十一月四日

審查本院議員證書 附審查報告書

特任委員會 十一月七日

審查新到院議員證書 附審查報告書

提議案

議員章榮熙請咨政府歐戰將終迅速派員赴歐準備參預和議以救危局案

議員陳介請咨政府將民國以來未經國會通過之各項法令一律交議案

議員吳鍾鎔請咨政府迅將一切含有法律性質之條例及預算等項即日交議以重約法案

議員何焱森請以中華民國國會名義致電法國國會及英美各國國會祝賀歐戰勝利案

建議案

議員張敬舜等請咨政府嗣後頒予榮典應嚴加限制以昭慎重而免冒濫建議案
修正案

議員陳振先修正請政府速籌現款收買中交京鈔撥還兩行墊款以提高鈔價兼期
兌現案

請願書

京師總商會擬定維持紙幣折價方法請提議表決通知政府實行以維市面請願書
意見書

議員韋榮熙爲法律與時局障礙主張從緩組織憲法會議意見書
公文

咨國務院西藏議員曾毓雋江蘇議員韓世昌辭職均經院議可決請依法遞補文
咨國務院錄送議員張敬舜等提出咨請政府嗣後頒予榮典應嚴加限制以昭慎重
而免冒濫文

咨大總統咨達議決衆議院移付大總統提出對德奧宣戰咨請同意案請查照文
衆議院通知

咨衆議院通知議決定於十一月十一日開兩院會合會期協商組織憲法會議文
衆議院咨請訂定會合會期以便協商組織憲法會議文
國務院咨覆議員陳邦燮等質問收買存土案文
衆議院咨對德奧宣戰請同意案文

公函

議員何焱森更正提案文字函

京師警察廳函送大總統就職日所有停車地點警衛路線辦法請轉致赴府各員函
籌備國會事務局介紹川邊議員趙心得先行到院函

議員曾毓雋辭職函

參議院秘書廳通知議員曾毓雋辭職可決函

參衆兩院致各議員定期開兩院會合會協商組織憲法會議函

公電

議員韓世昌辭職電

安徽省議會請挽留倪督軍電

各省報告省議會開會及當選正副議長姓名電 計八通
阿爾泰辦事長官賀本院成立電

附錄

參議院開會旁聽人數表

參議院開會次數表

廣告

參議院議員李鍾麟遺失徽章聲明補發廣告

◎大總統招待兩院議員演說辭◎

鄙人衰年涼德辱承諸君見推使備大位屬以艱虞之會義不敢固辭依法繼任以來欵已兼旬萬端待理憂惕靡遑今日始以公暇與諸君卮酒相追陪獲聆明教爲幸曷極國會爲代表民意制定法律之機關實爲民主政治之要素吾國共和締造經始未良遂使第一屆國會迭有躓跌促成戰亂綿歷歲月今者時局雖未告收平而中央政府所在已復覩國民代表之儼臨行政立法兩者互策進行政治發展有望企祝之情凡在國民當無異致矧諸君皆一時俊望才地通明旣膺妙選必能造福邦家鄙人受教之日方長無事煩文重爲頌禱唯當茲盛會復撫時艱感想所及不能無一言以致拳拳之忱敢掬鄙誠縷述所期幸亮察焉

吾國年來數經憂患外交內政弛廢不修言治者任舉一端何莫非當務之急顧鄙人以爲今日國人所當殫力聚策以赴之者厥爲歐戰議和問題與戰後吾國在世界上之新地位此實爲世界大勢變遷之要鍵而吾國興替所關深望諸君子考慮建白以與政府戮力疾追者也先就世界大勢言之則自塞奧肇釁以來羣雄角逐綿亘五年死傷千萬近年德人厲行潛艇政策遂至世界盡敵供輸道絕今春三月德舉全力以襲西歐卒以

美軍參戰挫其銳鋒七月以來聯軍迺取反攻形勢直破興登堡戰線至是德意志之軍國主義頓成夢想此則德奧武力衰絀之實徵而協約國實力充盈之表示也美國之參戰也非徒出兵數百萬於西歐以實力助英法而已蓋當美德斷交之際美總統蒞國會之宣言乃以德奧潛艇政策純爲違反人道與蔑視國際法規之制限而於中立國權利之法規棄之不顧故毅然與德宣戰本年四月美國參戰紀念日美總統復重言以申明之曰美國爲正義而戰爲世界自由人之正當權利而戰是故一月八日美總統提議十四條欸以來並時列國翕然從風至今日德奧求和亦復基此提議以爲標準鄙人嘗釋美總統十四條欸中若第一之禁止國際密約第二之通商務期平等第四之削減軍備訂立確實保證第十四之訂立特別國際條約組織國際團體保障各民族間之獨立與安全凡此榮榮諸端咸爲確立世界永久平和之基礎而最近美德間三次通牒態度光明手段公允德奧已有屈服之趨勢吾人於此實不能不佩美總統識力之精詳擘畫之雄偉此後違反人道之戰爭終必爲主持自由公正者所屈服而德奧力征之失敗將來世界政治思潮必爲一變美總統之能以正誼輔實力促進和平尤爲吾人所當感謝也次就吾國現狀言之去年二月九日之對德抗議三月十四日之對德絕交發言盈廷數

釀紛擾鄙人爾時雖野服閑居而執政者諮問所及曾力以吾國當主持公誼之說進不幸前屆議會對於宣戰一案少數利用以爲政爭之具聚訟蹉跎積成變亂然吾國對於維持人道之責任與協助聯軍之熱忱未嘗遲徊顧忌於是有八月十四日之宣戰布告溯自參戰以至今日吾國上下敵愾同仇凡所以協助聯軍者如供給華工以裨助兵役如輸出原料以增製軍需如糶運米糧如捐給藥物預除障礙遏止陰謀力所能逮罔不供億今者吾人平昔所蘄往之和平目的行且達及而當此和議未就以前吾國將以何法益求促進聯軍之勝利增進國際之地位此誠爲政府且夕經營之事而亟望國會諸君有以牖其衷而助其成也抑且歐戰和議開始必將爲全球謀長治久安之道如是則舍先決俄國問題埃匈問題巴爾幹問題而外遠東問題必將爲此後列強之共同目的吾國處此潮流將何術以圖存而在此平和會議中當求如何發言以保利益此種種者迫在眉睫端視國人一德一心以收其效議會有協助政府之責歷觀開戰以來交戰國政府中如英首相如美總統凡政策決定以後恆得國會之一致輔援我國會諸君能師法英美以協佐政府解決此後之外交以助成美總統所提議之世界平和乎此實鄙人夙夜跂遲而欲諸君之慎爲裨助者也

次則國內爭持業逾一歲長此以往必召覆亡鄙人以六十之年謬肩大任撫茲危局實切凌兢每念佳兵之言輒懷將壓之懼追維禍始皆緣輕於造因遂使積成惡果若復循環相襲亂將安窮方今列強相與締和世界大勢變遷殊速當乘偃武之時自求革新之會努力對外以鞏國基往昔小嫌胥宜捐棄迭次宣言布告反覆引繹均持此義以喻國人冀於連山叢莽之中先覓尺地著足然後再謀華路藍縷之方私衷所嚮凡在明智必已共原而鄙人所恃以爲解決之道實唯以開誠爲第一義蓋法律之爭兩說斷持欲衷無術連兵之害則中於國家究之國苟不存法將安麗至若權位分酬豈徒永患不均抑更資人口實計唯披貢愚誠求其自反緬追道德齊禮之言庶踐禮讓爲國之旨曉音瘖口期以有成國中羣派取舍從違雖非能逆覩而默察歐戰議和以後吾國不急圖統一恐更無自存之時使發難者猶有良知當能徐收實効迺若歷時已久怙禍不悛必欲挽神州與共沈以公器爲私授則秉鉞之責要有攸歸鄙人雖至閹弱亦當竭索寸能簫勺羣慝此心此志炯在昭臨綜言之鄙人既非揭橐平和以邀時譽亦不樂於重事兵甲以益民艱唯目覩外患內憂相迫俱來故欲一掬愚懷促求反省國會爲神聖機關諸公代表國民鄙人必當始終敬愛濟時何術息亂何由惠我好音以匡不逮此又鄙人所深期

於諸君子者也

復次則吾國年來民生之疾苦財力之困窮相踵相因殆臻其極及今不治將末由自振也前清之季國家尙號統一外債未增軍隊未繁顧民困已滋呼囂四起遂有辛亥之役雖國體緣以更新而國家元氣所彫削者幾何恐雖有百年休養未易以言恢復況重以民國以來革命之名已四五見乎秩序不復則官守無恆心紀綱盡隳則民生無保障賦徭增重而無人濬發財源徵調頻仍而無人課求農事流亡既衆盜匪彌滋工作既荒商賈遂輟家鮮豐給視教育爲憚途俗陷淫偷謂椎埋爲能事益以天時人事警變相尋水則廬舍漂墟旱則原田童坼數歲之間近則江淮遠則粵桂報災告變習爲固常雖有振調何裨萬一暨乎前年國本屢搖師戎互逐始陳兵於蜀郡復麀旅於衡臬滇桂之所蹂躪粵閩之所齟齬閭閻轉徙杼柚全空其亡者入望煮蒿填哀溝壑其餘者幸逃兵燹遑恤室家即在吳會繁富之區亦復輾轉凋零勢成弩末凡此種種事實彰昭道路咨嗟報章播述民生如此國脈可知曩者中夜興思若芒在背今日幸得尺寸有以自效睠言教養不任憂虞諸君蔚爲鄉國俊望代表人民關於卹隱之方豈無治標之策願聞要論以拯痼瘼抑以鄙人所觀歐戰既終列強必爭以保護貿易發展工業爲策吾國物產之宏

多人口之蕃庶其必當極力提倡社會經濟以發舒民力進以求爲世界經濟上之中心殆無可致疑顧此病疴之夫斷喪已甚將以何術從容培治以達最終之目的此其責任政府與國會當均負之而鄙人所尤屬望於諸君之能宣達民意也

復次民國成立逮今七載而憲法迄未制定國家根本大法歷久未成則法治之不可期與夫政治上之常啓紛爭蓋不足致異前屆議會疲於黨爭於制憲大業草創不完可無深論今日諸君重集首都爲時屬望必能審慎於立法之初而勇以制憲爲謀鄙人職爲行政首長於憲法精神所寄與夫起草之時師資損益得失若何不當擯置一詞唯私心所希望於諸君者有二一則立法者非爲飾外觀矜善治也欲養人民尊重法律之習慣必使此法得以推行而不使有形格勢禁之敝故於制法之時必當詳察四周之形勢然後草創而審定之否則徒襲法律之神聖而已一則凡立一法要以適於守法者爲宜不可對人制法因忌其才而固爲之防因親其才而故廣其限其究也禍害中於國家立法之精神隨之漸滅矣此二者皆立法家之大誠民國以來所制法律恒坐此弊通毒至今未已今制憲之盛業甚近鄙人敬舉此二義以告願諸君深長思之也

復次則議會之間才智輩出政見各有不同勢不能無黨且政黨之爲物固共和國政治

所賴以爲運用者也然民國創建以來政治上之變故大抵由於政黨之軋弄者爲多前屆國會覆餗債車已貽殷鑒今日諸君必當悉矯其失壹以公正之謀略優容之氣量以求達利國福民之目的不使議場上政見之辯論寢變爲黨爭兩派相持馴成仇敵不使政黨意見涉及行政界以礙政治之發舒諸君於此苟能補弊救偏國家前途所裨非淺其實此近易之原理度諸君必深知而力踐之無俟鄙人重爲曉漬者也

復次則今日國學之淪亡風俗之頹靡實爲晚近數百年所僅見永此不變必蹈衰亡從來國運之隆替以士習純駁爲徵觀於漢晉之際士俗澆漓遂釀五胡之禍其機括甚微而影響至巨昔者王符作潛夫論譏漢俗最甚至謂今日奢衣服侈飲食事口舌而習調欺丁男不扶犁鋤懷丸挾彈婦人不修中饋休其蠶織京師貴戚衣服飲食車輿廬第奢過王制富者競欲相過貧者恥其不逮一饜所費破終身之產抱朴子則言懷愍之世俗尙驕褻夷虜自遇其他惡俗不可勝紀是故漢晉之際晦盲否塞人道幾熄而五胡禍起中原雲擾生靈塗炭今日俗習方之漢晉無一不肖士大夫樹黨挾私傾軋異己淆亂是非不顧大計浮陋無藝虛而爲盈服食儀表奢淫相尙萑苻滿野劫盜懷彈禍害之烈安知所屆而文治不修學術蕪廢新知未有咫尺昔日大防潰決復盡在位者即欲牖明治

理而習俗之靡汨沒才賢言念頹波能無憬惕諸君劬時膺望何以敦薄俗而起斯文何以修憲章而納軌物匡政府以利推行此鄙人所亟欲一聞嘉謨而特爲重申私願者也以上所述數端倉卒致詞終未能罄鄙懷之萬一側聞國會之功用以英倫爲極軌然其間經歷改革至若干次始底於成美之強盛其基實肇於聯合公會以次改良乃有今日近若東鄰日本吾國人所深致親善者也夷攷其議會歷史則於明治二十三年迺告完成而板垣之提倡伊藤之調查亦幾閱歲月世界議會締始之艱難若此蛻化之遲緩又若此吾國國體幸躋共和又得席先進國之成規引爲師法謀治之塗事半功倍則此後能依政治進化之原理懲前毖後以次修明我國會之規模功效異時必與英美日諸國爭光燦烈可無疑也抑鄙人重有一言爲諸君告者吾國今日內憂外侮紛至沓來藩籬已撤實力未充存亡之機間不容髮譬之孤舟絕海帆槳不完颶風忽來震撼萬狀爾時同舟之侶卽邈若胡越偪在仇讐咸必泯釋夙嫌呼號將助戮力擊楫彼岸爲期今世界列強競逐有甚於狂飈怒濤吾國則弱艣危舫隨地可占滅頂凡在託載豈可重尋詬閱自促顛亡諸君明達濟時所望廣喻國人共知此旨一切黨派之標榜議論之爭持私室之猜嫌省界之畦畛悉歸捐棄痛予湔除豈以救亡爲先務鄙人誠德薄能鮮苟利於國

險阻不辭諸君倘能廓其遠謨紓茲國難鄙人敢不屏營以從其後易曰其亡其亡繫於苞桑天步方艱時乎不再同心協力以大有造於邦家此實鄙人夙夜致望於舉國人民而重爲諸君長言之也遣大投艱責無旁貸扶衰拯敝端策羣才請舉此觴爲諸君祝

民國七年十一月二日

參議院公報第一期第三冊

大總統招待兩院議員演說辭十

十

◎兩院議長代表議員答辭◎

今日兩院同人辱承大總統之召錫之筵宴迪以教言感幸交縈匪可言喻士詒指唐謹代表兩院恭致謝忱於我大總統之前並摠區區之誠上達聰聽惟我大總統幸垂察焉民國肇造於今七年政變迭乘立法機關闕而未備者屢矣今幸國會重開我大總統依法當選以言行政則總攬者爲全國景仰之人以言立法則兩院中亦皆應時之選要使互相因倚共策進行此兩院同人所日夕誠勉抑亦同聲仰望於我大總統者也惟是職務羈縛展覲多疎今日幸以杯酒餘閒飫聞明教願抒同人一得之慮上答主座下問之殷敢述所知用備甄采

我國自參戰以來國際之地位較昔爲優國民之責任亦較昔爲重近頃數月聯軍戰勝西歐普魯士之武力主義已漸屈伏於協商國人道主義之下而迴憶往日參戰之始當局者猶疑羣言淆亂惟時我大總統雖閉居私邸然片言定策遂使中國得與協商各國並駕齊驅前內閣爲國利民福起見苦心經營國民之幸今者歐戰將終我大總統又先注意歐戰議和問題及戰後吾國地位問題未雨綢繆造端宏大我兩院同人必當一本斯旨協助政府以求達世界永久和平之目的而增進吾國國際上將來優越之地位也

至於國內之爭忽焉經歲民生重困國脉潛傷誠使國人能泯其權利地位之私則中國或免於離析分崩之患言念前途不寒而慄我大總統知止戈之爲武念佳兵之不祥於是以前促其反省爲入手方針以相見以誠爲第一要義兩院同人自當仰體愛國救民之旨趣以和平統一爲依歸務使國人戢其私鬥之心合謀對外之策

若夫民生疲弊元氣凋殘溯厥原因匪伊朝夕近歲旱潦屢告饑饉荐臻已苦災祲重罹兵革人民何辜受此荼毒加以工業之改良無望商人之破產頻聞閭閻多一分無告之民即國家減一分競存之力我大總統有見及此欲以民生主義風示天下並以社會經濟矜式國中我兩院同人逖聽下風曷勝敬佩僉望大總統一本斯旨努力進行救民水火之中登之衽席之上以民生主義爲職志卽發揚平民主義之精神以社會經濟爲目標亦卽提倡世界經濟之張本也

至於制憲問題關係國本國本未立法治難期三復嘉言服之無數今幸國會肇集來日方多兩院同人自當博采成規不參黨見務使憲法產出之時於歷史上有莫大之光榮於實際上有神聖之效力俾能推行盡利歷久不刊以仰副我大總統憲法期成之盛意也

又如平民政治責在議會代議政治首重政黨各國先例罔不從同方今國會再集憲政初萌當以政黨養成人才不當以政黨淆亂政治當藉政黨以固結人心不當藉政黨以圖謀私利此兩院同人對於政黨問題於我大總統同其期望者也

他如風俗頹靡國學淪亡任舉一端要皆國家榮瘁之所關亦即民族盛衰之所係但使行政方面有挽救之方則兩院同人亦必盡扶持之責

總之以上所述罪漏實多惟意所欲言粗在於是抑更有進者同人之意以爲國會與政府必能相需爲用而後能相與有成念吾國締造之艱難與夫國會成毀之經過我兩院同人益當仰體大總統尊重立法之旨發揮而光大之庶所以報答我四萬萬國民亦所以敬酬我大總統也

民國七年十一月二日

參議院公報第一期第三冊

兩院議長代表議員答辭四

十四

◎ 議事錄 ◎

◎◎ 第八次會議

中華民國七年十月七日下午一時振鈴

本日議事日程如左

(一) 請政府速籌現款收買市面中交鈔票撥還兩行墊款以提高鈔票價值並使兩行速行兌現案(議員陳振先提出)(一時至二時三十分)

(二) 請咨政府速訂中行兌換券則例案(議員魏斯良提出)(二時三十一分至三時)

議長(梁士詒)主席

出席議員不足法定人數

主席延長時間三十分鐘

出席議員一百二十人請假議員十六人缺席議員四人

主席宣告出席議員已足法定人數

主席報告議員汪聲玲因丁外艱請假一月並用舉手表決法付表決舉手者多數可決

主席報告關於大總統就職典禮業經由內務部修正命秘書長報告內務部來函暨其修正之點

秘書長報告畢

主席

動議變更本日議事日程先議咨請查辦第三師師長吳佩孚違法案附議在

三人以上

主席用舉手表決法以議員鄧鎔之動議付表決舉手者多數可決

主席宣告按照變更議事日程開議咨請查辦第三師師長吳佩孚違法案并請提案人說明

議員鄧鎔說明提案之旨趣

主席以本案付討論

議員胡鈞張元奇張敬舜鄧鎔林炳華郭章鋆楊以儉陳介相繼發言

議員易順豫提起討論終局之動議有三人以上之附議

主席以本查辦案應不適用讀會之順序諮詢院議衆無異議

主席用舉手表決法以本查辦案應不適用讀會之順序付表決舉手者多數可決
議員尹宏慶請以本案成立付表決

主席用起立表決法以本案成立咨達政府付表決起立者少數否決

主席宣告按照本日議事日程開議第一案（即請政府速籌現款收買市面中交鈔票撥還兩行墊款以提高鈔票價值並使兩行速行兌現案）

議員陳振先說明提案之旨趣

主席宣告討論大體

議員周作民陳振先楊以儉相繼發言

議員陳邦燮請付審查附議者在三人以上

主席用舉手表決法以本案交付財政股審查付表決舉手者多數可決

主席宣告按照本日議事日程開議第二案（即咨請政府速訂中行兌換券則例案）

議員魏斯炅說明提案之旨趣

主席宣告討論大體

議員尹宏慶請付審查附議在三人以上

主席用舉手表決法以本案交付審查付表決舉手者多數可決

主席宣告本案交付財政股審查

議事已畢

主席宣告散會

時下午三時

●●第九次會議

中華民國七年十月十九日下午三時振鈴

本日議事日程如左

(一)請咨政府歐戰終局迅速派員赴歐準備參預和議以救危局案 (議員章榮熙提出)(三時至四時)

(二)京師總商會維持紙幣請願事件(請願委員會提付院議)(四時一分至五時)
議長(梁士詒)主席

出席議員一百人請假議員三十五人缺席議員四人

主席宣告出席議員已足法定人數命秘書長報告文件

秘書長報告文件畢

主席報告川邊議員趙心得已由國會籌備事務局介紹到院並有本院議員三人以上之證明應先行抽定議員席次令其出席俟當選證書到院再交付前指定審查證書之委員會審查衆無異議簽定議席如左

趙心得 一七

主席報告議員曾毓雋因被任爲交通次長辭職並用舉手表決法以許其辭職付表決舉手者多數可決

主席報告議員韓世昌因病辭職並用舉手表決法以許其辭職付表決舉手者多數可決

主席報告議員沈銘昌因母喪大祥回籍祭掃請假十五日並用舉手表決法以許可付表決舉手者多數可決

主席報告議員李國杰因弟婦病故回滬主喪兼爲亡弟營葬請假二十日並用舉手表決法以許可付表決舉手者多數可決

主席宣告開議

議員章榮熙動議本日議事日程第一案事關外交秘密應開秘密會議附議在三人以上

主席以章議員之動議諮詢院議衆無異議

主席宣告開秘密會議

時下午四時

關於秘密會議情形備載秘密會議議事錄第一號

是日下午四時二十五分繼續開議

主席宣告按照本日議事日程開議第二案（即京師總商會維持紙幣請願事件）

請願委員長秦望瀾說明本案提付院議之理由

議員陳振先羅鴻年何焱森江紹杰蔣棻尹宏慶陳懋鼎田應璜相繼發言

主席宣告本案應不適用讀會順序並以之付舉手表決舉手者多數可決

主席按照議院法第五十條用起立表決法以本案咨達政府付表決起立者少數否決

主席宣告議事已畢散會

時下午五時